

গণপ্রজাতন্ত্রী বাংলাদেশ সরকারের স্বাস্থ্য ও পরিবার কল্যাণ মন্ত্রণালয় কর্তৃক পরিচালিত রাঙ্গামাটি পার্বত্য জেলাস্বাস্থ্য নার্সিং ট্রেনিং ইন্সটিটিউট এর বিষয়াদি, জনবল ও পরিসংস্পদ রাঙ্গামাটি পার্বত্য জেলা পরিষদের ব্যবস্থাপনায় ও নিয়ন্ত্রণে হস্তান্তর চুক্তিপত্র।

১০

যেহেতু রাঙ্গামাটি পার্বত্য জেলা পরিষদ আইন, ১৯৮৯ (১৯৮৯ সনের ১৯ নং আইন এর ধারা ২২ ও ২৩(খ) এবং ১ম তফসিলভুক্ত গণপ্রজাতন্ত্রী বাংলাদেশ সরকারের স্বাস্থ্য ও পরিবার কল্যাণ মন্ত্রণালয় কর্তৃক পরিচালিত রাঙ্গামাটি পার্বত্য জেলাস্বাস্থ্য নার্সিং ট্রেনিং ইন্সটিটিউট এর বিষয়াদি, জনবল ও পরিসংস্পদ রাঙ্গামাটি পার্বত্য জেলা পরিষদের ব্যবস্থাপনায় ও নিয়ন্ত্রণে হস্তান্তর করিতে সরকার ইচ্ছা প্রকাশ করিয়াছেন, এবং

যেহেতু স্বাস্থ্য ও পরিবার কল্যাণ মন্ত্রণালয় ও রাঙ্গামাটি পার্বত্য জেলা পরিষদের মধ্যে এই বিষয়ে আলোচনা হইয়াছে এবং উক্ত আলোচনার পরিপ্রেক্ষিতে রাঙ্গামাটি পার্বত্য জেলা পরিষদ রাঙ্গামাটি পার্বত্য জেলায় অবস্থিত নার্সিং ট্রেনিং ইন্সটিটিউট এর বিষয়াদি, জনবল ও পরিসংস্পদ নিম্নবর্ণিত শর্ত সাপেক্ষে পরিষদের ব্যবস্থাপনায় ও নিয়ন্ত্রণে নিতে সম্মত হইয়াছেন,

সেহেতু, সরকার উপরিউক্ত আইনের ২৩(খ) ধারায় প্রদত্ত ক্ষমতাবলে রাঙ্গামাটি পার্বত্য জেলা পরিষদের সম্মতিক্রমে রাঙ্গামাটি পার্বত্য জেলায় অবস্থিত নার্সিং ট্রেনিং ইন্সটিটিউট-এর বিষয়াদি, জনবল ও পরিসংস্পদ সমূহ প্রদত্ত শর্তসাপেক্ষে নিম্নবর্ণিতভাবে রাঙ্গামাটি পার্বত্য জেলা পরিষদের ব্যবস্থাপনা ও নিয়ন্ত্রণে হস্তান্তর করিলেন

(ক) শর্তসমূহ:

০৪(চার) বছর মেয়াদী জিপ্রোমা নার্সিং কোর্স পরিচালনা করা।

(খ) জনবল:

নার্সিং ইনস্ট্রাক্টর ইনচার্জ (২য় শ্রেণী) ০১ (এক) জন, নার্সিং ইনস্ট্রাক্টর (২য় শ্রেণী) ০২ (দুই)

জন, তৃতীয় শ্রেণীর কর্মচারী ০৩ (তিন) জন এবং চতুর্থ শ্রেণীর কর্মচারী ০৮ (আট) জন।

(গ) বেতন-ভাতাদি সকল ব্যয়:

(১) রাজস্ব ও উন্নয়ন খাতের কর্মকর্তা ও কর্মচারীদের বেতন, জাতাসহ কার্যালয় সংশ্লিষ্ট অন্যান্য ব্যয় রাঙ্গামাটি পার্বত্য জেলা পরিষদের নিকট সেবা পরিদপ্তর হইতে ন্যস্ত করা হইবে। তবে জিপিএফ এবং বিভিন্ন ধরনের অস্থায়ী পূর্বের ন্যায় প্রচলিত নিয়ম অনুযায়ী কেন্দ্রীয়ভাবে পরিচালিত হইবে। এ ধরনের অস্থায়ী আবেদন পরিষদের মাধ্যমে জমা দিতে হইবে।

(২) কেন্দ্রীয়ভাবে নয় এমন বাস্তবায়নাত্মক সকল উন্নয়ন কর্মকাণ্ডের জন্য মন্ত্রণালয়/অধিদপ্তর/পরিষদ কর্তৃক বরাদ্দযোগ্য অর্থ পরিষদের অনুকূলে বরাদ্দ প্রদান করিবে।

(৩) সংশ্লিষ্ট প্রতিষ্ঠানের বিক্রয়যোগ্য, বিক্রয়যোগ্য ও অন্যান্য উৎস হইতে আয় পার্বত্য জেলা পরিষদের তহবিলে জমা হইবে এবং পরিষদ প্রতিষ্ঠানের চাহিদা ও আর্থিক বিধি মোতাবেক ব্যয় নির্বাহ করিবে।

(ঘ) নিয়োগ, বদলী শৃংখলা ও পেনশন:

রাঙ্গামাটি পার্বত্য জেলা পরিষদ শুধুমাত্র ৩য় ও ৪র্থ শ্রেণীর পদে পরিষদের বিধি/প্রবিধান অনুযায়ী নিয়োগ, আশ্রয়/উপজেলা বদলী, শৃংখলামূলক ব্যবস্থা এবং পেনশনের কার্যক্রম ইত্যাদি গ্রহণ করিতে পারিবেন। সকল ১ম/২য় শ্রেণীর কর্মকর্তা পরিষদে প্রবেশে নিয়োজিত হলে গণ্য হইবেন এবং প্রচলিত সরকারী বিধি/প্রবিধি/আদেশ দ্বারা নিয়ন্ত্রিত হইবেন। সেবা পরিদপ্তর রাঙ্গামাটি জেলা পরিষদ এলাকায় কর্মরত কোন কর্মকর্তা/কর্মচারীকে স্বাভাবিকভাবে মেয়াদপূর্তির পূর্বে জেলার বাইরে বদলী করিতে পারিবেনা এবং জনস্বার্থে বিশেষ কারণে বদলীর ক্ষেত্রে পরিষদকে অবহিত করিতে হইবে। তবে প্রতিকল্প কর্মকর্তা যোগদান না করা পর্যন্ত বদলীকৃত কর্মকর্তাকে অবমুক্ত করা যাইবে না। বদলীর ক্ষেত্রে কর্মকর্তা ও কর্মচারীদের অবমুক্তির জন্য পরিষদ চেয়ারম্যানের অনুমোদন গ্রহণ করিতে হইবে।

(৬) ছুটি :

(১) জেলা পরিষদের চেয়ারম্যান এবং চেয়ারম্যানের অনুপস্থিতিতে তাহার দ্বারা ক্ষমতা প্রাপ্ত কর্মকর্তা (যিনি আবেদনকারী কর্মকর্তার নিম্ন পর্যায়ের কোন কর্মকর্তা হইবেন না) ইনস্ট্রাক্টর, নার্সিং ট্রেনিং ইনস্টিটিউটের নৈমিত্তিক ছুটি মঞ্জুর করিবেন। অন্যান্য কর্মকর্তা ও কর্মচারীদের ক্ষেত্রে নার্সিং ইনস্ট্রাক্টর বা দায়িত্বপ্রাপ্ত কর্মকর্তা নৈমিত্তিক ছুটি মঞ্জুর করিবেন।

(২) অর্জিত ছুটি ও অন্যান্য :

অর্জিত ছুটির ক্ষেত্রে সরকারের বিদ্যমান ছুটি বিধিমালা প্রযোজ্য হইবে। সকল কর্মকর্তার এতদসংক্রান্ত আবেদন ও অন্যান্য কাগজ-পত্র জেলা পরিষদের মাধ্যমে যথাযথ কর্তৃপক্ষের নিকট প্রেরণ করিতে হইবে।

(৫) বার্ষিক গোপনীয় অনুবেদন :

(১) নার্সিং ইনস্ট্রাক্টর রাঙ্গামাটির বার্ষিক গোপনীয় অনুবেদন জেলা পরিষদের প্রধান নির্বাহী কর্মকর্তা লিখিবেন এবং জেলা পরিষদের চেয়ারম্যান প্রতিস্বাক্ষর করতঃ যথাযথ কর্তৃপক্ষের নিকট সংরক্ষণের জন্য প্রেরণ করিবেন।

(২) পার্বত্য জেলায় কর্মরত অন্যান্য কর্মচারী/কর্মকর্তার বার্ষিক গোপনীয় অনুবেদন নার্সিং ইনস্ট্রাক্টর লিখিবেন এবং জেলা পরিষদের প্রধান নির্বাহী কর্মকর্তা প্রতিস্বাক্ষর করতঃ যথাযথ কর্তৃপক্ষের নিকট সংরক্ষণের জন্য প্রেরণের ব্যবস্থা করিবেন।

(ছ) উন্নয়ন ও অন্যান্য বিষয়াদি সংক্রান্ত কার্যক্রম:

(১) স্বাস্থ্য ও পরিবার কল্যাণ মন্ত্রণালয় এবং সেবা পরিদপ্তর কর্তৃক কেন্দ্রীয়ভাবে গৃহীত প্রকল্পসমূহ কেন্দ্রীয়ভাবে বাস্তবায়িত হইবে। তবে, এ বিষয়ে জেলা পরিষদকে অবহিত করিতে হইবে।

(২) স্বাস্থ্য ও পরিবার কল্যাণ মন্ত্রণালয়/সেবা পরিদপ্তর এবং রাঙ্গামাটি পার্বত্য জেলা পরিষদ যৌথভাবে চুক্তিতে বর্ণিত বিধানসমূহ প্রয়োজনবোধে পর্যালোচনা করিবেন এবং জনস্বার্থে একমতের ভিত্তিতে এ চুক্তি পরিবর্তন, পরিবর্ধন ও সংশোধন করিতে পারিবেন।

(৩) চুক্তি বাস্তবায়নে এবং ব্যাখ্যার ব্যাপারে স্বাস্থ্য ও পরিবার কল্যাণ মন্ত্রণালয়, সেবা পরিদপ্তর এবং রাঙ্গামাটি পার্বত্য জেলা পরিষদের মধ্যে কোন বিরোধ দেখা দিলে বিষয়টি নিষ্পত্তির জন্য সরকারের নিকট পেশ করা হইবে।

(৪) প্রয়োগিক জটিলতার কারণে যদি হস্তান্তরিত বিষয়/প্রতিষ্ঠান পরিচালনার অসুবিধা সৃষ্টি হয় বা সুষ্ঠু পরিচালনা বা বাস্তবায়ন অসম্ভব হইয়া পড়ে, তাহলে সরকার উক্ত অসুবিধা বা অবস্থা দূরীকরণার্থে জেলা পরিষদের সাথে আলোচনাক্রমে আদেশ দ্বারা প্রয়োজনীয় যে কোন ব্যবস্থা গ্রহণ করিতে পারিবে। উক্ত ব্যাপারে সরকারের সিদ্ধান্ত চূড়ান্ত বলে গণ্য করা হইবে।

(জ) অন্যান্য বিষয়:

(১) নার্সিং ট্রেনিং ইনস্টিটিউট রাঙ্গামাটিতে ছাত্র/ছাত্রী ভর্তি কেন্দ্রীয়ভাবে নির্ধারিত নিয়মাবলী অনুসরণে জেলা পরিষদ কর্তৃক পরিচালিত হইবে। স্বাস্থ্য সেবায় অনন্য অবদানের জন্য প্রচলিত পুরস্কার প্রদানের জন্য প্রার্থী নির্বাচন কেন্দ্রীয়ভাবে হইবে। জেলা পরিষদ এই ক্ষেত্রে মনোনয়ন প্রদান করিবে।

৫২

- (২) চুক্তিনামায় যেসব বিষয় বর্ণিত বা অন্তর্ভুক্ত হয়নি, সেসব বিষয় সরকারের বিদ্যমান ও প্রযোজ্য আইন/বিধি/বিধিমালা অনুযায়ী পরিচালিত হইবে,
- (৩) কেন্দ্রীয়ভাবে গৃহীত ও নিয়ন্ত্রিত প্রকল্পের পরিসম্পদ ব্যক্তিকে অত্র চুক্তিনামার আওতার হস্তান্তরিত বিষয় সংশ্লিষ্ট নার্সিং ট্রেনিং ইন্সটিটিউটের নিজস্ব পরিসম্পদ আপাততঃ ব্যবহারের ক্ষমতা পরিষদের থাকিবে এবং এসব পরিসম্পদের রক্ষণাবেক্ষণের দায়িত্ব পরিষদ পালন করিবে।
- (৪) ইন্সটিটিউট স্বাস্থ্য ও পরিবার কল্যাণ মন্ত্রণালয় অথবা সেবা পরিদপ্তর কর্তৃক প্রদত্ত নির্দেশাবলী/পরামর্শ অনুসরণ করিবে।

২। এই চুক্তি অন্য ১২মে, ২০০৯খ্রি:/ ২৯ বৈশাখ, ১৪১৬ বঙ্গাব্দ হতে কার্যকর হইবে।

রাষ্ট্রপতির আদেশক্রমে,



(ডা: মো: আবদুল জলিল)

যুগ্ম-সচিব(হাসপাতাল ও নার্সিং)

স্বাস্থ্য ও পরিবার কল্যাণ মন্ত্রণালয়

আমি জগৎ জ্যোতি চাকমা, চেয়ারম্যান, রাসামাটি পার্বত্য জেলা পরিষদের পক্ষে এই চুক্তিপত্রে উল্লিখিত বিষয়গুলি উপরে বর্ণিত শর্ত সাপেক্ষে গ্রহণ করিতে সম্মতি জ্ঞাপন করিলাম।



(জগৎ জ্যোতি চাকমা)

চেয়ারম্যান,

পার্বত্য জেলা পরিষদ

রাসামাটি।